

**Thursday, January 8, 2026**

**Time - 2:30pm - 2:35pm**

**AKASHVANI AIZAWL**

**REGIONAL NEWS UNIT**

**VIKSHIT BHARAT YOUNG LEADERS DIALOGUE**

Ram pum huap ni li awh tur Vikshit Bharat Young Leaders Dialogue 2026 chu naktuk hian New Delhi-a Bharat Mandapam-ah tan a ni ang.

Union Youth Affairs and Sports Minister Dr. Mansukh Mandaviya chuan, naktuka tan tur Vikshit Bharat chu India hmalam hun atana thil pawimawh tak a nih thu sawiin, Prime Minister pawhin a ngai pawimawh hle a ti a. Union Minister chuan Vikshit Bharat chu nikum atanga tan a nih tawh thu sawiin hei hian thalai ram tana rilru seng te inphochhuahna hun tha a siam mai bakah, ram tan a thil tangkai tak a nih thu a sawi bawk.

Hun hmasa lama Akashvani News Aizawl-in a lo puan tawh angin, Mizoram aiawha Vikshit Bharat Young Leaders Dialogue 2026 a tel tur thalai 14 te chu, January ni 5, thawhtanni khan Larsap General VK Singh chuan Aizawl Lok Bhavan Durbar Hall-ah kawmin duhsakna nen a lo thlah tawh a, he hunah hian Larsap chuan, Mizoram aiawh turte chu an chanvo tur leh inpuahchahnate sawipuiin, Mizoram aiawh a kal tur te pawhin sawrkarin hetiang ang hun remchang a siam sak avang leh, Larsap-in an puala inkawmhona hun a buatsaih avanga lawmthu sawiin, Mizoram tana hlawhtlinna chang tura theihtawp chhuah an tum thu Larsap hi an hrilh a ni.



**I&PR MINISTER**

Information & Public Relations Minister Pu B. Lalchhanzova'n mipuiten thudik leh rintlak an hruai theih nan chanchinbumite tan lak a pawimawh a ti a, democracy hlutna chawisan chu journalist te mawhphurhna anih thu a sawi.

journalist te kutchhuak kan ram in a mamawh a, kan mawhphurhna a poimoh a, chu kan poimoh na chu ataka hmang chho a kan hlen chhuah angai tiha sawi.

Vawiina I&PR Department huaihawta kum thar inhlantharna MJA Member leh Media aiawh te nena inkawmkhawmna neih ah he thu hi sawiin Pu B. Lalchhanzova chuan thudik leh rintlak thehdarh kawngah Journalist te tan lak a pawimawh tih sawiin khawtlang thatna tura au chhuak te hun pek chu chanchinbumite mawh a ni a ti a, Journalist te chu ram rorelna khalh ngil kawngah an pawimawh tih sawiin an mawhphurhna hria a, khua leh tui tan tha taka ke pen thei tura tan la zel turin a chah a, an hun tawn mil zela insiamrem thiam turin a chah bawk.

Kumthar inhlantharna inkhawm hi I&PR Director K. Vanlalsangi chuan kaihruiin, I& PR Secretary Pi Bethsy Zothanpari Sailo pawhin thu a sawi a. Kum thar inhlantharna inkhawm ah hian MJA Member bakah, I& PR Dept aiawh bakah Media aiawh, DDK, AIR te an tel bawk a ni.



## **MIZO GINGER USP**

Horticulture Minister Pu C. Lalsawivunga'n, Mizo sawhthing chu sawhthing chi dangte aia rirtui tak leh hriak tha tak, khawvel huapa quality a san avanga hriat pawh hlawh chho zel a ni, a ti.

He thu hi wawiina Mizoram a sawhthing hlawk zawk a chin leh tunlai thiamna nena inhone rem zawka kalpui a nih theihna tur atana inkhawm buatsaih, Consultative Workshop on Mizo Ginger-USP for the State of Mizoram, MINECO Conference Hall-a neihah sawiin, Horticulture Minister chuan Mizoram a sawhthing chingtute chu India rama thar chhuak tam ber ni mahse kawng that tawk loh avang leh a sawngbawlina khawl an neih that loh avangin hlawkna erawh an tel tlem thu a sawi a, Mizoram sorkar chuan sawhthing chingtuten man man zawka an sawhthingte an hralh chhuaha, hlawkna nasa zawk an dawn theihna turin rilru nasa taka a sen thu a sawi bawk.

Pu C. Lalsawivunga chuan Mizo Ginger USP chuan sawhthing thar sa dahkhawmna hmun tur bik "Hub leh Spokes-te" district hrang hranga a thlan tawh thu sawiin tuna Mizoram sawhthing a tam zawkin a an chawh sa an hralh dan chu hloh a tam thu sawiin heng harsatna sut kian nan sawhthing chawh sa tihfaina khawl leh a tihrona khawl bakah a herdipna khawl, mawi hnai zawka pack-na tur leh a chhinchhiahna labelling siamte pawh USP for Mizo Ginger hian a huam thu a sawi bawk.



## **SUDDEN DEATH**

Pu V Zirtluanga Pangzawl Keltan veng chu tukin khan thaw hah vangin ram thlamah a thi.

Pu V Zirtluanga hi kum 62 mi a ni a, a nupui leh a fate pahnih nen thawhtanni khan an lo neihna, Khuanghlum ram Tuichang kamah hmarcha zut turin an riak a, tukin lamah a thaw a hah thut a, a nupui fanaute hian in lam be pawp nghalin amah hruai tur hian motor tirh nghal a ni a, hawpui tura an in buaipui laiin tukin dar 6:30 khan a thi zui ta a ni.

Wawiina Suaka Cricket Ground Sihmui-a Khaled Memorial 2nd Division Screening Tournament khelh mekah, chawhma lamah ILMOV CC leh VRCC-te an intum a, VRCC lama player K. Lalremruata Aizawl, Maubawk Veng chu a Bat zo a thaw hah thutin, Suaka Cricket Ground Sihmui-ah hian a thi zui nghal bawk a ni.



## **IMD**

IMD khawchin thlirna atangin khawvat zualin Mizoram district zawng zawng la tuam dawn.

Indian Meteorological Department hnen atanga thu dawn danin kumin January ni 4 atang khan Mizoram district zawng zawngah temperature tla hniamin khua a vawt zuala, ni eng emaw zat chu khaw vawt zual hian ala tuam dawn nia ngaih a ni a. Hemi avang hian Disaster Management & Rehabilitation Department

chuan district tina Deputy Commissioner-te chu khaw vawt vanga mipuite chung  
harsatna thleng thei laka inveng tura hmala turin a hriattir a ni.

Disaster Management Department chuan khaw vawh zual laiin mipuite chu inthuan  
lum tur leh khawvawt lutuk hmuna awm tam lo turin a chah a. Khawvawt avanga  
taksaa nawmlohna nei an awm chuan PHC emaw damdawiin pan vat tur a ni a. Zing  
leh zan lamah tiau chhum a chhah thin avangin lirthei khalhtute pawh fimkhur turin  
a chah a. Ran vulhte pawh khawvawt avanga an ran vulhte hriselnain a tawrh loh  
nan ngaihven turin a chah bawh a ni.

